



Mariia Simonsen,
Inatsisartunut ilaasortaq, Inuit Ataqatigiit

**§ 37 tunngavigalugu apeqquumut 142/2023-mut akissuteqaat –
ilinniarnertuunngorniarfinni kalaallisoornermi ilinniartitsisunik amigarnerat
pillugu**

23-10--2023
Suliap normua: 2023 - 3471
All. nr. 23495737

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Mariia,
Inatsisartut Suleriaasianni § 37 naapertorlugu ilinniarnertuunngorniarfinni
kalaallisoornermi ilinniartitsisut pillugit Naalakkersuisunut apeqquaqarsimavutit.
Apeqquutit tullingguuttut ataasiakkaarlugit assilinqarsimapput, akissutinik tullegarlutik.

Apeqquutit akissuteqarfiginissaannut Ilinniarnertuunngorniarfinit Ilisimatusarfimmilu
paasissutissanik piniartoqarsimavoq.

***Apeqquut 1: Ilinniarnertuunngorniarfinni fagimi kalaallisoornermi
ilinniartitsisussaqaarniarneq massakkorpiaq qanoq ippa?***

Akissut:

Maannakkorpiaq GUX Nuummi ilinniartitsisut kalaallisoornermi suliassamut
piginnaasaqartut amigaataapput, tamannalu aamma ilaannakortumik GUX Aasiaammi
atuulluni. GUX Nuummi kalaallisoornermi ilinniartitsisut arfineq-pingasuppuput,
taakkunanilu marluk kandidatit ilinniagaqarsimallutik. Tamatuma saniatigut GUX Nuuk
GUX Sisimiuniit qarasaasiakkut ilinniartitsisumik ataatsimik kandidatit
ilinniagaqarsimasumik attartuippuput, ilinniartoqatigiillu ataatsit qarasaasiakkut
ilinniartinneqarlutik. Tamatuma saniatigut GUX Nuummi kalaallisoornermi ilinniartitsisut
marluk Ilisimatusarfimmi inuiaat kulturiat oqaluttuarisaanerallu pillugit ilinniartitaanermi
ilinniartuuppuput, kalaallisoornermilu ilinniartitsisut pingasut meeqqat atuarfianni
ilinniartitsisutut ilinniagaqarlutik.

GUX Aasianni kalaallisoortitsineq attanniarlugu ilaatigut klassit kattunneqartarsimapput.
Tallimaasuniit marluk kandidatit ilinniagaqarsimappuput sinnerilu Ilisimatusarfimmi
ilinniartitaanerni ataasiakkaanni immineerlutik ilinniagaqarput.

GUX Sisimiut aammalu Campus Kujalleq kalaallisoornermi ilinniartitsisunik amigaateqanngillat. GUX Sisimiuni sulisut ilai kalaallisoortitsinermi ilinniaqqinnermik ingerlataqarput.

Apeqqu 2: Ilinniarnertuunngorniarfinni fagip kalaallisoornerup skemamit peerneqartarneranik naalackersuisut ilisimasaqarpat?

Akissut:

Naalackersuisut ilinniarnertuunngorniarfinnik ataavartumik pitsaasumik attaveqartarpoq, tamannalu pissutigalugu piffissap ilaanni GUX Nuummi ilinniartitsineq allatut ajornartumik taamaatinneqartarsimasoq ilisimaneqarluni. Alimasissumik ilinniartitsineq atorlugu aammalu GUX Aasianni klassinik kattussinikkut tamanna aaqpinneqarsimavoq.

Apeqqu 3: Ilinniarnertuunngorniarfinni kalaallisoortitsinermi ilinniartitsisussanik qanoq ilinniartitsisoqarpa?

Akissut:

Aallaaviatigut GUX-imi kalaallisoortitsinermi ilinniartitsisutut atorfinitsinnissamut Ilisimatusarfimmiit kalaallit oqaasii atuakkiaallu pillugit kandidatit ilinniarsimaneq piunasaqaataasarpoq.

Ilinniakkamut naleqqiullugu piginnaasaqassuseq aammattaaq ilinniagaq alla aqutigalugu pissarsiarineqarsinnaavoq, malitsigisaanik suliamut tunngatillugu piginnaaneqalersitsisumik naapertuuttumik inuutissarsiummik ingerlatsisimanermik tapertalimmik.

Tamatuma saniatigut pædagogikkimik soraarummeerneq piunasaqaataavoq, taannalu ukiunik marlunnik sivisussuseqartarluni, nalinginnaasumillu GUX-imi sulilernerme ingerlanneqartarluni.

Apeqqu 4: Ilinniartitsisunik amigaateqarneq qanoq iliuuseqarfigineqarpa/iliuuseqarfiginiarneqarpa?

Akissut:

GUX-imi ilinniartitsisut kalaallisoortitsisartut amerlissappata Ilisimatusarfimmi kalaallit oqaasiinik atuakkiaanillu ilisimatusarlutik naammassartut amerlanerusariaqassapput. 2012-imiit 2023-mut Ilisimatusarfimmi kalaallit oqaasiinik atuakkiaanillu ilisimatusarlutik kandidatinnorlutik naammassisut 31-upput. Ukiukkaartumik kandidatinnortartut ataatsit arfineq-pingasullu akornanniitraput. Ukiuni kingullerni marlunni ukiukkaartumik

kandidatinngortut sisamaasarsimapput. Inuiaqatigiinni kalaallit oqaasii atuakkiaallu pillugit kandidatitut ilinniarsimasut piumaneqartupilussuupput, taamaammat GUX-ip ilinniartitsisutut piginnaasalinnik inuttassarsiornerminni ilungersuuteqarsinnaasarpoq.

Inuiaqatigiinni pisariaqartitat ilisimalluaqqissaarneri tunngavigalugit Naalakkersuisut ilinniartitaanernik pilersaarusrulutillu tullerriaarisarput. Naalakkersuisut ilinniartitaanermut tunngatillugu pitsaanerulersitsinermut suliatik attanniarpaat peqatigalugulu inuiaqatigiit pisariaqartitaat unammilligassaallu iliuuseqarfigalugit.

Inussiarnersumik inuulluaqqusillunga



Aqqaluaq B. Egede